

Cu tres show e fin di siman aki den Cas di Cultura..

DIANA ANTONETTE CELEBRANDO SU 30 AÑA DEN E MUNDO DI BAILE Y BALLET..

...Ayeranochi e premiere tabata exitoso...

Foto/ Texto : Poets.

DEN AMBIENTE



**** DIANA ANTONETTE 30 AÑA DEN E MUNDO DI BAILE Y BALLET..**

** E fin di siman aki den Cas di Cultura, Aruba su orguyo maestra di baile y ballet, DIANA ANTONETTE, ta celebrando su 30 aña exitoso den e mundo di baile y ballet. Pa e ocasion memorable aki, Diana Antonette y su alumnonan a prepara un tremendo show cultural titula "CELEBRACION '98".

E show aki lo transporta e publico den un aña di e cele-

bracionnan tradicional y conomercionnan. Lo bay tin hopi sorpresa agradable cu sin duda e publico lo sali sumamente satisfecho for di Cas di Cultura. Ayeranochi a tuma lugar e premiere, mientras awenochi y mayan atardi pa 4'or e celebracion ta continua. Pa otro siman DEN AMBIENTE lo publica e reportahe fotografico di e celebracion aki, mientras awe ta publica un entrevista exclusivo realiza cu Diana Antonette.

E fecha exacto cu Diana Antonette lo bay cumpli cu su 30 aña den e mundo di baile y ballet, ta dia 1 di september proximo. Pero debi cu pa e dianan ey Cas di Cultura su sala ya ta reserva, Diana Antonette a dicidi di cuminsa celebra esaki durante e fin di siman aki.

Pa DEN AMBIENTE sin duda algun ta un gran honor y placer di por a sostene e entrevista aki cu e gran dama cultural Diana Antonette, kende pa 30 aña largo keto bay ta contribuyendo engrande na bienestar di nos bailenan folklor.

Pa Diana Antonette mes taba-



**** Diana Antonette orguyosamente rondona pa su alumnonan..**



**** Nos futuro bailarinnan den pleno ensayo pa e show di e gran celebracion di 30 aña di nan querida maestra Diana Antonette..**



**** Diana su pareha bailado di tur tempo ta e conoci-do Mario Ro Albus..**

ta realmente un experiencia sumamente agradable durante e 30 añanan como maestra di baile, pero toch den e mesun rosea ta expresa cu esaki no tabata uno facil.

E partinan mas agradable ta ora cu Diana tabata mira su alumnonan progresa y experiencia e alegria di por expresa nan mes atraves di baile. Loke ta menos agradable ta cu awendia no tin e disciplina y dedicacion manera antes.

E motibo di esaki ta cu e juventud di awendia ta hayando tur cos facil cu nan no ta haci nan maximo esfuerzo pa logra supera nan mes.

Aruba tin varios gruponan di baile cu por ta mucho mas cre-

ativo, si nan haci un esfuerzo pa amplia nan conocimiento riba un base mas profesional. Na Aruba tin varios schoolnan di baile cu docentenan capacita cu por yudanan den esaki.

Diana ta haya cu na Aruba tin hopi talentonan den e mundo di baile, pero e talentonan aki mester worde stimula y guia. Tumando les den baile ta existi hopi disciplina y dedicacion, e ta un forma pa expresa bo mes. Tambe e ta desaroya flexibilidad y un bon postura.

Pesey tambe ta un manera ideal pa keda den forma, no ta importa edad y lo mas principal ta, cu e ta un pasatempo sano den bo tempo liber.

Durante su 30 añanan dunando les den baile, e ta hopi satis-

fecho di por a contribui engrande na nos cultura.

Ta pa e motibo aki tambe e no por laga e fecha tan importante aki pasa sin celebra esaki hunto cu su colega Astrid Hagers - Arends y tur su alumnonan.

E grandioso celebracion aki ta encera tur e fechanan cu ta ser celebra y conmemora den un aña, manera por ehempel dia di San Juan, dia di medio ambiente, dia di mucha, dia di nos Libertador Betico Croes, dia di nos Himno y Bandera y etc etc.

E show aki ta algo unico, y lo ser dedica na nos dushi pueblo di ARUBA como muestra di aprecio y gratitud..i